



Ngai Nani Ete

MOKONJI

Akufa na

Esika na Ngai?

COMPILÉ PAR WATSON GOODMAN

NGAI NAJALI NANI?

Mojalisi na biso ayebi sɔkɔ tojali nani, mpe yɔnsɔ ejali kotalana na Liloba na Ye na Seko. Na kati na yango tojui sɔkɔ «tojalisami nani», sɔkɔ «(tokojala nini)», sɔkɔ «(tokokambama wapi)», mpe sɔkɔ «(tokobongwana ndenge nini)» sɔkɔ toyambi kobikisama na Njambe.

Bamosusu bayebi ntina na kobikisa na Njambe tɛ. Bamosusu bayebi ndambo na yango nde basengi kotala kati na yango. Bamosusu bajali kotiola kobikisama na Njambe nde bamosusu bakoyamba yango na esengo nde kati na kobikisama yango, bajui ete na kati na Yesu Klisto babongwani moto na motuya monene na ntina na libela.

Molimo na Ngai na Libela ekojala na motuya na malamumu sɔkɔ na mabe na motindo ekopesama na Mojalisi Ye Mɔkɔ. Sɔkɔ naponi koboya Ye, nakomijalisa moto mpamba mpɔ na libela, sɔkɔ nayambi mpe natosi Ye najali kotika Ye kokotisa ngai na boyambi Elɔngɔ na Ekelesia na ye wana ekofanda ngai na Kiti-na-Bokonji na Ye libela na libela.

—Watson Goodman (1920-2002)

MWANGO MONENE NA NJAMBE KOJALISA MOTO 1

Ye Akojala Na Mwasi Na Libala Seko

Yisaya 62:5b

. . . mpe lokola mobali na libala ajali na esengo mpø na mwasi mobalani, boye Njambe na yo akojala na esengo mpø na yo.

Matai 25:1 mpe 6

Bongo Bokonji na Likolo ejali lokola baseka jomi baoyo bakamataki miinda na bango mpe bakendaki kojuana na mobali na libala.

Klisto — Mobali na Libala

Yoane 3:29a

Ye oyo ajui mwasi-na-libala ajali mobali-na-libala; nde moninga na mobali, ye oyo ajali kotelema mpe koyokamela ye ase-

pele mingi mpø na mongongo na mobali.

2 Bakolinti 11:2

Jambi najali na mposa monene mpø na bino lokola mposa na Njambe. Nabalisi bino epai na mobali makø ete nakomisa bino epai na Klisto lokola mosoka na libala.

Matai 9:15

Yesu alobi na bango ete, Banninga na mobali-na-libala bakoki kolela naino mobali-na-libala ajali na bango elongo? Nde mikø ikoya wana mobali-na-libala akolongwa na bango; bongo bakokilaka bilei.

2 OYO EJALI MPƏ NA NINI NJAMBE AJALISI MOTO NA ELILINGI NA YE

Ejaleli Mosusu Ejalisami Na Ye
Bikoki Kojala Mwasi Na Libala
Na Ye Je

Bongo Njambe ajalisaki moto
na elilingi na ye mpenja, na eli-
lingi na Njambe ajalisaki ye; aja-
lisaki bango mobali mpe mwasi.
—Genese 1:27

Apənaki biso kati na ye liboso
na kojalisama na mokili ete biso
tojala bulɛɛ mpe na kojanga
ekweli liboso na ye kati na bo-
lingo.
—Baefese 1:4

Tokoki Kosangana Na Njambe
. . . na ntina ete na bilaka
yango bojua likabo na bino kati

na lolenge na Njambe. . . (2 Pe-
telə 1:4b) . . . motatoli na mpasi
na Klisto mpe mokabwani na
nkembə elingi komənisama. . .
(1 Petelə 5:1b) . . . ndambo na
njoto məkə na biso eləngə mpe
bakwi na elaka, na njela na Nsa-
ngo Malamu. (Baefese 3:6b)

. . . ye oyo abəngisi bino mpə
na kojua likabo na bino na libula
na Babulami kati na moi. (Ba-
Koləse 1:12b) . . . Jambi tojui li-
kabo na Klisto. . . (Baebelə
3:14a) . . . kosangana na Moli-
mo Mosanto. (Baebelə 6:4b)
. . . tosangana na bulɛɛ na ye.
(Baebelə 12:10b)

Genese 9:6b

. . . mpə ete Njambe asalaki moto na elilingi na ye.

Misala 17:24a, 25b, 26a, 27-29

Njambe oyo asalaki mokili, na biləkə yənsə na kati na yango. . . mpə ete ye məkə akopesaka bato yənsə boməi, na mpema, na biləkə yənsə. Na nkəkə məkə abotisi mabota yənsə na bato kofanda na mikili yənsə na nse. . .ete baluka Njambe, na elikia ete bakoka komona na koluka ye, mpe kojua ye. Ajali mpe mosika na moto na moto na biso tɛ, mpə ete na kati na ye tojali na boməi mpe tokotambolaka mpe tokojalaka. Lokola baməkə na bakomi na

njembo na bino basili koloba ete, Tojali mpe libota na ye.

Adama, Ajalisami Na Elilingi Na Njambe, Angengi Nkembə Lokola Nkembə Na Njambe

1 Mikonji 8:11

. . .kino banganga bayebaki kotelɛma tɛ ete basala mosala mpə na lipata; jambi nkembə na Yawe etondisaki ndako na Yawe.

Matai 17:1a, 2

Yesu. . . abongwani motindo na ye liboso na bango, mpe elongi na ye engengi Lokola moi mpe bilamba na ye bijalaki pɛɛ Lokola pole makasi.

4 KOUTA NA BOSANTO KINO MASUMU MPE MOLILI

Jambi esili kokomama ete, Bokojala bulɛɛ mpɔ ete ngai najali bulɛɛ.
—1 Petelɔ 1:16

Kojanga Kotosa Esuki Na
Kokabwana

Jambi pelamɔkɔ moto mɔkɔ na nkanja na ye ajalisi bato mingi na masumu
—Baloma 5:19a

Bato yɔnsɔ babungi mpe bajangi nkembɔ na Njambe.
—Baloma 3:23

Sikawa Bokosi Mpe Mabe
Motema ejali na bokosi koleka bilɔkɔ yɔnsɔ mpe na mabe mingi; nani akoki koyeba yango?
—Yilimia 17:9

Yawe amɔnaki ete masumu na bato ijalaki mingi na mokili mpe ete makanisi yɔnsɔ kati na mitema na bango ijalaki bobelɛ epai na mabe mikɔlɔ yɔnsɔ.
—Genese 6:5

Njambe Aboyi Bato Mabe
. . . Nayebi tɛ sɔkɔ bouti wapi; longwa na ngai, bino yɔnsɔ basali na mabe.
—Luka 13:27b

Moto Abungani Na Molili
Kosambisama ejali boye ete moi esili koingela kati na mokili nde bato bapɔni molili liboso na moi mpɔ ete misala na bango ijali mabe.
—Yoane 3:19

SIKAWA NINI EJALI KATI NA MOTO NA NJAMBE? 5

Biso yənsə tokomi məkə oyo ajali na mbindo mpe misala na biso na boyengebene ijali lokola elamba epəli na bosətə; tojali kokaoka lokola lokasa mpe lokola na mopepe, masumu na biso ikobətəla biso. —Yisaya 64:6

Masumu Majali Kokanga Ngai

Kasi naməni mobeko mosusu kati na bilembo na njoto na ngai. Mobeko yango monene ejali kobunana etumba na Mibeko mili-
ngi ngai na makanisi na ngai, ejali mpe kokanga ngai moombo na mobeko na masumu mojali kati na bilembo na ngai.

—Baloma 7:23

Kasi mabe na bino makaboli kati na bino mpe Njambe na bino. —Yisaya 59:2a

Kufa Na Libela Ekweli Ngai

Na bongo, mabe ekətaki na mokili mpə na moto məkə, mpe kufa ekətaki mpə na mabe. Kufa mpe epalangani epai na bato yənsə mpə ete bato yənsə basali mabe. —Baloma 5:12

Nakotangama Makambo Na Ngai Mpenja Liboso Na Njambe

Boye moto na moto na biso akotanga makambo na ye mpenja liboso na Njambe.

—Baloma 14:12

Na Mosuni Oyo, Najali Lokola
Mabele, Matiti, Londende

Ɛ Yawe, ojali nde tata na biso,
biso tojali lima, yə ojali moyemi;
biso yənsə tojali mosala na lo-
bəkə na yə. —Yisaya 64:8

Bato yənsə bajali lokola ma-
titi, kitəkə na bango yənsə lokola
felele na matiti; matiti makaoki
mpe felele ikwei.

—1 Petələ 1:24

Boyebi makambo na lobi te.
Boməi na bino ejali nini? Bo-
jali bobele londende, komənana
mwa ntango moke na nsima ko-
limwa. —Yakobo 4:14

Nakoki Kojua Njoto Oyo
Ekopəla Tε Mpe Bomoi Na Seko
Kati Na Klisto

. . . mpe moto na moto oyo
ajali na boməi mpe andimi ngai,
libela akokufa tε. —Yoane 11:26

Ye oyo akondimelaka Mwana
na Njambe ajali na litatoli yango
kati na ye. Ye oyo akondimelaka
Njambe tε, asili kojalisa ye mo-
buki na lokuta mpə ete naino
andimi litatoli tε, oyo esili Nja-
mbe kotatola na ntina na Mwana
na ye. Litatoli ejali boye ete
Njambe apesi biso boməi na se-
ko mpe boməi oyo ejali kati na
Mwana na ye.

—1 Yoane 5:10, 11

Njembo 24:7-9

Bino bikuke, tombola mito na bino, botombola yango bino bikuke na seko, ete Mokonji na nkembŏ akŏta. Nani Mokonji na nkembŏ? Ajali Yawe makasi mpe na nguya, Yawe na nguya kati na etumba. Bino bikuke, botombola mito na bino, botombola yango bino bikuke na seko, ete Mokonji na nkembŏ akŏta.

. . . kino komŏnana na Nkolo na biso Yesu Klisto . . . Mokonji na mikonji, Nkolo na mikolo. Bobele ye wana ajali kojanga kufa mpe ajali kofanda na pole oyo moto ayebi kobelema na yango te. Moto te amŏni ye,

moto mpe te akokoka komŏna ye. Na ye lokumu mpe nguya libela. — 1 Timŏte 6:14b, 15b, 16

Mokonji Oyo Ajojala Na
Bokonji Na Mokili Mobimba

Jekalia 14:8, 9

Na mokŏlŏ yango mai na bomŏi ekobima na Yelusaleme, ndambo na yango kino mai na epai na ebimelo na moi mpe ndambo na yango kino mai na elimwelo na moi; ejojala mpe boye na ntango na moi makasi mpe na ntango na mpiŏ. Mpe Yawe ajojala mokonji likolo na mokili mobimba; na mokŏlŏ yango Yawe ajojala mŏkŏ mpe nkombo na ye mŏkŏ.

Malako 14:61b, 62

... Yɔ ojali Klisto, Mwana na Mopambwami? Yesu alobi ete, Ngai najali, mpe bokomona Mwana na moto kofanda na loboko mobali na nguya mpe koya kati na mapata na Likolo.

Yoane 18:36, 37

Yesu ajongisi ete, Bokonji na ngai ejali na mokili oyo te. Soko bokonji na ngai ejalaki na mokili oyo, mbe babili na ngai bakobuna ete nakabama epai na Bayuda te. Nde bokonji na ngai euti na awa te. Pilata alobi na ye ete, Boye, yɔ mokonji te? Yesu ajongiseli ye monoko ete, Yɔ ojali koloba ete ngai moko-

nji. Ngai nabotami mpo na ntina oyo mpe naye na mokili ete natatola mpo na solo. Moto na moto oyo ajali na mposa na solo akoyokaka mongongo na ngai.

Matai 25:31 mpe 34

Ekoya Mwana na moto na nkembo na ye mpe banje na ye yanso esika moko na ye, akofanda na kiti na bokonji na ye na nkembo. Bongo mokonji akoloba na bango na loboko na ye na mobali ete, Yaka bino bopambwami na Tata na ngai, bosangola libula na bokonji bongisami mpo na bino longwa na ebandeli na mokili.

Baebelē 1:8

Kasi mp̄o na Mwana, alobi ete, E Njambe, kiti na bokonji na ȳo ekoumela seko na seko, lingenda na sembo ejali lingenda na bokonji na ye.

Danye 4:37

Sikawa ngai, Nebukadanēsala, nasanjoli mpe nanetoli mpe nakumisi Mokonji na lola; mp̄o ete misala na ye ȳans̄o mijali na boyengebene mpe njela na ye ijali sembo . . .

Matai 18:3, 4

Najali koloba na bino s̄ol̄o ete, S̄ok̄o bokobongwana mp̄o na kokoma lokola bana miki t̄e bokoi ngela na Bokonji na Likolo

t̄e. Ye nani akomis̄okisa lokola mwana oyo, ye akoleka monene kati na Bokonji na Likolo.

. . . Bokonji na mokili oyo esili kokoma Bokonji na Nkolo na biso mpe na Klisto na ye, mpe akojala mokonji libela na libela. — Em̄oniseli 11:15b

Ete miso na mitema na bino ijua pole, ete bos̄s̄ola motindo na elikia na ebiangeli na ye mpe kofuluka na nkemb̄o na libula na ye kati na Babulami. Boyebi mpe monene na nguya na ye kati na biso bandimi pelam̄ok̄o na mosala na nguya na makasi na ye. Nguya yango eyebi kopi-mama t̄e. — Baefese 1:18, 19

Yoane 17:2

Pelamako esili yo kopesa ye bokonji likolo na bato yanso ete apesa bomoi na seko epai na bango yanso osili kopesa ye.

1 Petelo 3:22

Ye ajali na loboko na Njambe na mobali, awa ekoti ye kati na Likolo; banje mpe makonji mpe bango na nguya bakotosaka ye.

Baefese 1:20-23

Asalisaki yango mosala kati na Klisto awa asekwisi ye kati na bakufi mpe ajalisi ye na loboko na ye na mobali na bisika na Likolo, mosika likolo na lokumu mpe bokonji mpe nguya mpe

bankolo yanso mpe likolo na nkombo yanso oyo ikolobama bobele na ntango oyo te kasi na ntango ekoya lokola. Atii mpe biloko yanso na nse na makolo na ye mpe ajalisi ye motó likolo na makambo yanso mpo na Lingomba oyo ejali njoto na ye, yango litondi na ye oyo akotondisaka yanso kati na bisika yanso.

Yoane 2:24, 25

Kasi Yesu andimi komipesa na bango ye mako te. Mpo ete ayebaki bato yanso; ajalaki na bosenga te ete moto atatola mpo na bato, jambi ye mako ayebaki yango ejali kati na bato.

BOJUI, NGUYA MPE MAYELE OYO IJALI NA NSUKA TE 11

Emāniseli 5:12b

. . . Mwana na Mpate oyo asili kobomama abangi na kojua nguya, na misolo, na mayele, na makasi, na lokumu, na nke-mbo, na masanjoli!

Matai 28:18

Yesu ayei mpe alobi na bango ete, Bokonji yanso esili kopesama na ngai na likolo mpe na nse.

1 Bakolinti 8:6

Kasi mpo na biso Njambe makajali ye Tata; bilako yanso bijalisamaki na ye, biso mpe tojali uta na ye. Mpe Nkolo makajali, ye Yesu Klisto; bilako yanso bijalisamaki na ntina na

ye. Bisu mpe tojali na ntina na ye.

Emāniseli 11:17

Balobi ete, E Nkolo, Njambe, Mojui-na-Nguya-Yanso, Oyo ajali mpe ajalaki, totondi yo mpo ete okamati nguya na yo monene, mpe osili kokoma mokonji.

Bakolose 2:2, 3

Najali na etumba mpo na kobandisa mitema na bango, kosinganisa bango na bolingo mpe na bososoli na kososola mpenja mpo na koyeba Klisto, ye libombami na Njambe. Kati na ye Klisto mabonja yanso na mayele mpe na boyebi masili kobombama.

Njembo 72:8 mpe 11

Bokonji na ye ekojala longwa na mai monene epai mako bo-bele na mai monene epai mosusu; longwa mpe na ebale kino ndelo na mokili mpenja. . . . Mikonji yanso bakomikitisa liboso na ye, mpe mabota yanso bakosalela ye.

Njembo 2:2-4 mpe 6-8

Mikonji na nse bajali kotelema mpe mikolo bayangani miango elango kotemela Yawe mpe Mopakolami na ye. Bango ete, Tobuka nkanga na bango mpe tobwaka nsinga na bango mosika. Ye oyo afandi na Likolo ajali koseka, Nkolo akotanga bango

elako te. . . . Ngai nafandisi mokonji na ngai likolo na Siona, na ngomba na ngai na bulee. Nakobimisa mobeko ete: Yawe alobaki na ngai ete, Yo ojali mwana na ngai, lelo ngai naboti yo. Lomba ngai mpe nakopesa yo mabota lokola libula na yo, mpe kino nsuka na mokili ete ijala na yo.

Nani akobanga yo te, E Mokonji na mabota? Jambi ekoki bongo na yo. Kati na bato na mayele na mabota yanso, mpe kati na mikonji na bango yanso, mako Lokola yo ajali te. . . . Kasi Yawe ajali Njambe na solo, ye Njambe na bomai, ye Mokonji libela. — Yilimia 10:7 mpe 10a

Ngai najali Yawe, yango nkombō na ngai, nakopesa nkembō na ngai epai na mosusu tē, kosanjola na ngai epai na bikeko tē.
—Yisaya 42:8

Jambi Yawe ajali Njambe monene; ye ajali Mokonji monene likolo na banjambe yansō.
—Njembo 95:3

Epai na Mokonji na seko, ye Njambe bobele makō oyo akokufa tē oyo mpe akomōnanaka tē, lokumu ejala mpe nkembō libela na libela, Amen.
—1 Timōte 1:17

Bongo elembo na Mwana na moto ekomōnana na Likolo. . .

mpe bakomōna Mwana na moto ajali koya na mapata na Likolo na nguya mpe na nkembō mingi elongō.
—Matai 24:30

Nkolo mpe Njambe na biso, obangi kojua nkembō, na lokumu, na nguya, mpō ete yō ojalisaki bilakō yansō; mpe mpō na mokano na yō bijali mpe bisili kojalisama.
—Emōniseli 4:11

Akaboli Nkembō Na Ye Na
Mwasi-Na-Libala

Ngai nasili kopesa bango lokumu lopesi yō ngai ete bajala makō pelamakō biso tojali makō.
—Yoane 17:22

Yisaya 9:7a

Kofuluka na bokonji na ye mpe na kimia ikosuka te. . .

Yisaya 45:9a, 10-13a

Mawa na ye oyo akowelana na motongi na ye! Mawa na ye oyo akoloba na tata ete, Yə ojali kobota nini? To koloba na mama ete, Yə ojali na mpasi mpə na kobota nini? Oyo na Bulee na Yisalaele mpe motongi na ye, ete, Tuna ngai mpə na makambo makoya, lakisa ngai mpə na bana na ngai mpe mosala na mabəkə na ngai. Ngai nasalaki mokili mpe natongaki moto likolo na yango; ngai, na mabəkə na ngai, nasembolaki lola mpe nalakisaki

ebolo mobimba na yango. Ngai natelēmisi ye na boyengebene, mpe nakosembola njela na ye yənsə.

Danyele 7:14

Mpe nguya na nkembə na bokonji ipesamaki na ye, ete mabota mpe mikili mpe nkota yənsə basalela ye. Nguya na ye ejali nguya na lobiko na lobiko, ekosila te, mpe bokonji na ye ekobebisama te.

Omipesa Na Malako Na Ye

Njembo 72:11

Mikonji yənsə bakomikitisa liboso na ye, mpe mabota yənsə bakosalela ye.

Masumu Majali Mabe Na Miso Na Njambe Kobenda Makambo Oyo

Jambi Klisto akufaki mpŏ na masumu mbala mākŏ mpŏ na libela, ye moyengebeni mpŏ na bakēsēni, ete abeēmisa biso na Njambe. Abomamaki sŏlŏ na njoto na ye mpe ajalisami na bomŏi na molimo.

—1 Petelŏ 3:18

Tosili koyeba bolingo na mpŏ oyo ete ye wana asopaki bomŏi na ye mpŏ na biso. . . .

—1 Yoane 3:16a

. . . Nkolo Yesu Klisto, oyo amipesaki ye mākŏ mpŏ na masumu na biso ete asikola biso

na kati na ntango oyo mabe, pelamākŏ mokano na Njambe mpe Tata na biso.

—Bagalatia 1:3b, 4

Esika Mpe Motindo Na Kufa
Mpe Lisekwa Na Ye Ilakisami
Naino Isalami Te

Tala, tojali kobuta na Yelusalempe mpe Mwana na moto akokabama na banganga minene mpe na bakomeli mpe bakokweisa ye ete akufa mpe bakokaba ye epai na bapakano ete atiolama mpe abetama mpe abomama na ekulusu mpe mokŏlŏ na misato akosekwa na bakufi.

—Matai 20:18, 19

16 MAKILA NA MOTUYA — MOBIKISI NA MOTUYA

Nde sasaipi bino bojali kati na Klisto Yesu; bojalaki mosika liboso, nde bosili kobelema mpɔ na makila na Klisto. —Baefese 2:13

. . . tojali na molende ete toingela na Esika na bulee mpɔ na makila na Yesu na njela na sika . . . — Baebele 10:19, 20a

. . . makila na kondimana na seko. — Baebele 13:20b

. . . awa esili ye koyeisa kimia mpɔ na makila na ekulusu na ye. — Bakolose 1:20a

. . . Ye alingaki biso, mpe asukoli biso na masumu na biso na makila na ye. . . — Emoniseli 1:5b

. . . Tala, najali kotia na Siona libanga na motó na nsuka, lipɔnami, likumisami; mpe ye oyo akondima yango akokufa na nsɔni sɔkɔ moke te. Bongo, lokumu na yango ejali mpɔ na bino bandimi. — 1 Petelo 2:6b, 7a

Mpe ete longwa na bomwana na yɔ, osili koyeba Makomi na bulee, makoki kopesa yɔ boyebi mpɔ na kobika na njela na kondima kati na Klisto Yesu.

—2 Timote 3:15

Mobali-Na-Libala Aluki Mwasi
Na Ye Na Libala

Mpɔ ete Mwana na moto ayei koluka mpe kobikisa yango ebugani. — Luka 19:10

YESU ALONGI NA KUFA NA MIBALE MPE 17
MOTO NA SEKO ETE ASIKOLA NGAI

Nabangi Kojua Kufa Na Libela
. . . molimo oyo asali lisumu,
ye akokufa. —Ejekiele 18:4b

Na bongo, mabe ekotaki na
mokili mpo na moto mako, mpe
kufa ekotaki mpo na mabe. Ku-
fa mpe epalangani epai na bato
yonso mpo ete bato yonso basali
mabe. —Baloma 5:12

Alongi Na Kufa Mpo Na Ngai

Boye, oyoka nsani mpo na ko-
tatwela Nkolo na biso te. . . kasi
omema ndambo na yo na mpasi
mpo na Nsango Malamu pela-
mako Njambe akopesa nguya. Ye

abikisi biso mpe abiangi biso na
ebiangeli na bulaa. Yango ejali
mpo na misala na biso te kasi
mpo na mokano na ye mako mpe
ngolu na ye, oyo epesi ye biso ka-
ti na Klisto Yesu, liboso na bi-
keke na kala. Amonisi yango sa-
saipi mpo na komonana na Mo-
bikisi na biso Klisto Yesu, oyo
asilisi kufa nye mpe abimisi bo-
moi mpe kojanga kopola kati na
moi mpo na Nsango Malamu.

—2 Timote 1:8-10

. . . Nakufaki, nde najali na
bomoi libela na libela. Najali
na mafungola na kufa mpe na
Ewelo. —Emoniseli 1:18

**18 MOKONJI APESI LIKABO NA LOBIKO MPŌ NA
YŌNSŌ BALUKI YANGO NA MPOSA**

. . . Klisto akufi mpŏ na masumu na biso pelamŏkŏ elobaki makomi. —1 Bakŏlinti 15:3b

. . . bojala babateli na lingo-
mba na Njambe oyo asombaki
na makila na ye mpenja.
—Misala 20:28b

Ngai najali mobateli malamumu;
mobateli malamumu akotika bomŏi
na ye na mpŏ na bampate.
—Yoane 10:11

Akufeli bato yŏnsŏ ete baoyo
bajali na bomŏi babika lisusu
mpŏ na bango mpenja te kasi
mpŏ na ye oyo akufeli bango
mpe asekwi. —2 Bakŏlinti 5:15

Basakoli yŏnsŏ bakotatolaka
mpŏ na ye ete bandimi na ye
yŏnsŏ bakojuwa kolimbisa na ma-
sumu mpŏ na nkombo na ye.
—Misala 10:43

Nkolo akoumela nsima na elaka
na ye te, lokola bamosusu
bajali kokanisa ete akoumela.
Kasi ajali na motema molai epai
na bino, alingi te ete bamosusu
babeba kasi ete bato yŏnsŏ bako-
ma kobongwana na motema.
—2 Petelŏ 3:9

Bokoluka ngai mpe bokojuwa
ngai wana bokoluka ngai na
motema na bino mobimba.
—Yilimia 29:13

Ɛ Njambe, kiti na yə ekoumela seko, lingenda na bokonji na yə ejali lingenda na sembo. Yə oli-
ngi boyengebene mpe oyini bo-
kesene. —Njembo 45:6, 7a

Boyebi te ete bato na masumu bakosangola libula na Bokonji na Njambe te? —1 Bakolinti 6:9a

Jambi baoyo bajali bato na njoto, bakotia motema na makambo na njoto; nde baoyo bajali na molimo bakotia mitema na makambo na molimo. Kotia motema na makambo na njoto ekoyeisa bobele kufa, nde kotia motema na makambo na molimo ekoyeisa bomoi mpe kimia. Mpe

ete motema motiami epai na njoto ejali moyini na Njambe. Eyebi kotosa mibeko na Njambe te; ekoki mpe kosalaka boye te. Bango bajali kotia motema na makambo na njoto bayebi kosepelisa Njambe te. Bino bojali bato na njoto te kasi bato na molimo saka Molimo na Njambe afandi kati na bino sala. Ye nani ajangi Molimo na Klisto ajali moto na ye te. —Baloma 8:5-9

Bino bato na bosota, boyebi te ete kolinga mokili ejali koyina Njambe? Moto nani akani ete ajali moninga na mokili amijalisi moyini na Njambe. —Yakobo 4:4

20 MOTINDO MOPESAMI KOYAMBAMA NA MOKONJI

Ye oyo akobomba masumu na ye akolonga te; kasi ye oyo akoyambola mpe akotika yango akoyajua ngolu. — Masese 28:13

Biso mpe tosili koyeba mpe kondima bolingo bojali na Njambe kati na biso. Njambe ajali bolingo. Ye oyo akoumelaka kati na bolingo ajali koumela kati na Njambe mpe Njambe akoumelaka kati na ye. — 1 Yoane 4:16

Na bongo, Yesu alobi na Bayuda baoyo bandimi ye ete, Sokoko bino bokoumela kati na liloba na ngai, bokojala bayekoli na ngai na solo. — Yoane 8:31

Kasi epai na baoyo bayambi

ye, apesi bango bokonji na kotala bana na Njambe, na baoyo bandimi na nkombo na ye.

—Yoane 1:12a

. . . ye oyo akoyamba ngai, akoyamba Motindi na ngai.

—Yoane 13:20b

Ejalaki bango kokenda na njela, bakomi na mai moko, mpe mokengeli alobi ete, Tala mai! Likambo nini ekopekisa ngai kobatisama? Filipino alobi na ye ete, Sokoko ondimi na motema mobimba, okoki. — Misala 8:36, 37a

Ete kondima na bino euta na mayele na bato te kasi na nguya na Njambe. — 1 Bakolinti 2:5

LOBIKO EJALI LISANGA NA NA BOMOI MPE 21
BONDEKO NA KLISO

ΞΞ koyoka yango oyo eleki boyebi mpenja, ete botonda na litondi yanso na Njambe.

—Baefese 3:19

Nde sako Klisto ajali kati na bino, ata njoto esili kokufa mpo na masumu, nde molimo ajali na bomoi mpo na boyengebene.

—Baloma 8:10

Nde bino bokondima te mpo ete bojali bampate na ngai te, lokola elobi ngai na bino. Bampate na ngai bakoyokaka mongongo na ngai mpe ngai nayebi bango mpe bakobilaka ngai. Najali kopesa bango bomoi na seko

mpe libela bakobeba te; moto mako akobatela bango na loboko na ngai te. —Yoane 10:26-28

Na ntina yango, najali koyoka mpasi kasi nayoki nsani te, jambi nayebi ye oyo nasili kondima ye mpe nandimi ete akoki kobatela yango etii ye na mabako na ngai kino mokolo yango.

—2 Timote 1:12

Na bongo, tika ete bango bajali koyoka mpasi pelamako ekani Njambe mokano, bapesa bomoi na bango epai na Mojalisi na bango mpo na kosalaka malamumu. —1 Petelo 4:19

22 KOBOTAMA NA SIKI, BONSONI KOSALELA NKOLO

Nani moleki na mokili? Bolele ye oyo andimi ete Yesu ajali Mwana na Njambe.

—1 Yoane 5:5

Babotami na makila te sako na mposa na njoto te sako na mposa na mobali te kasi na Njambe mpenja.

—Yoane 1:13

Mpe bokoyeba solo, mpe solo ekosikola bino.

—Yoane 8:32

Esili bino kosekwa na masumu, bokomi baombo na boyengebene. Nde sasaipi awa esili bino kosikwa na masumu mpe kokoma baombo na Njambe, bojali na libonja na bino mpo na

kopetwa. Nsuka na yango bomai na seko. —Baloma 6:18 mpe 22

Nkolo ajali Molimo; mpe na esika ejali Molimo na Nkolo, wana bosami. —2 Bakolinti 3:17

Sako nde Mwana akosikola bino, bokojala basikwi na solo.

—Yoane 8:36

Klisto akangoli biso mpo na bonsami. Bongo botelema ngwi mpe boingela lisusu kati na ekaengeneli na boombo te.

—Bagalatia 5:1

Mpo ete okojala motatoli na ye na bato yonso na ntina na makambo mamoni mpe mayoki yo.

—Misala 22:15

Emāniseli 1:5b, 6

. . . Ye alingaki biso, mpe asukoli biso na masumu na biso na makila na ye, mpe ajalisi biso bokonji na banganga mpɔ na Njambe Tata na ye; mpɔ na ye nkembɔ, na nguya, libela na libela, bobele bongo.

1 Bakolinti 6:9-11

Boyebi te ete bato na masumu bakosangola libula na Bokonji na Njambe te? Bomijimbisa te, moto na pite mpe basambeli na bikeko mpe bato na ekobo mpe bakembi na nsani mpe mibali bamibebisi na mibali mpe bayibi mpe bato na bilulela mpe balangi masanga mpe batuki mpe

baboteli bakosangola Bokonji na Njambe te. Bamosusu na bino bojalaki bongo. Kasi bosili kosukuwa, bosili kobulisama, bosili kojua boyengebene na nkombo na Nkolo Yesu Klisto mpe na Molimo na Njambe na biso.

Yisaya 62:3

Okojala motole na kitaka na lobaka na Yawe mpe motole na mokonji na lobaka na Njambe na ya.

Konetwa Na Lokumu

Yoane 17:21a

Ete yanso bajala maka pelamaka ya, Tata, ojali kati na ngai mpe ngai kati na ya ete bango mpe bajala kati na biso. . .

Yawe ajali penepene na bango yonso bakobianga ye, baoyo bakobianga ye na solo.

—Njembo 145:18

Esambelo na Njambe ejali na kondimana nini na bikeko? Jambibi bino bojali Esambelo na Njambe na bomoi. Pelamoko Njambe alobaki ete, Nakofanda mpe nakotambola kati na bango, nakojala Njambe na bango, mpe bango bakojala bato na ngai.

—2 Bakolinti 6:16

Kasi motindo mosusu, bospela ete bojali kosangana na mpasi na Klisto ete bospela na esengo monene wana ekomonana nkembo na ye. —1 Petelo 4:13

. . .Biso mpe tojali na lisangana na Tata mpe na Mwana na ye, Yesu Klisto.

—1 Yoane 1:3b

Wana ekoleka yo kati na mai, ngai najali na yo, mpe kati na bibale, ikojindisa yo te. Wana ekotambola yo kati na moto, okojikisama te, lolemo na moto ekojikisa yo te.

—Yisaya 43:2

Ngai kati na bango mpe yo kati na ngai ete bakokisama kino bajala moko, ete bamokili bayeba ete yo otindi ngai mpe osili kolinga bango pelamoko elingaki yo ngai.

—Yoane 17:23

KOYOKANA NA KATI NA KLISTO MPE NA 25
MONDIMI NA SOLO

Na mokolɔ yango, bino boko-
yeba ete ngai najali kati na Tata
na ngai mpe bino kati na ngai
mpe ngai kati na bino.

—Yoane 14:20

Lilako Na Ye Na Nsuka Ejali
Mposa Na Liboso

Molimo mpe Mwasi na libala
balobi ete, Yaka!

—Em̄aniseli 22:17a

Boye bokenda kojalisa baye-
koli na mabota yansɔ, kobatisa
bango na nkombo na Tata mpe
na Mwana mpe na Molimo Mo-
santo, kolakisa mpe bango ete ba-
tosa yansɔ esili ngai kolaka bino.

Mpe tala, ngai najali na bino
elongo mikolɔ yansɔ kino nsuka
na ekeke. —Matai 28:19, 20

Boyengebene Na Babulami Ejali
Boyengebene Na Klisto Kati
Na Bango

Njambe alingaki koyebisa ba-
ngo motindo na misolɔ na nke-
mbɔ na libombami oyo kati na
bapakano. Libombami yango eja-
li boye: Klisto kati na bino, eli-
kia na nkembɔ. —Bakolose 1:27

Mpɔ ete Klisto ajali nsuka na
Mibeko mpɔ na koyeisa boye-
ngenebene na moto oyo akondima.
—Baloma 10:4

1 Petelo 1:3

Njambe Tata na Nkolo na biso Yesu Klisto akumisama! Pelamako ejali mawa na ye mingi, aboti biso lisusu ete tojala na elikia na bomoi na njela na lisekwa na Yesu Klisto kati na bakufi.

Baebele 4:16

Boye, tika ete tobelema na molende epai na kiti na bokonji na ngolu ete tojua mawa mpe tomona ngolu na kosunga na ntango na bosenga.

Baefese 2:4-7

Nde Njambe ajali na mawa mingi, mpo na bolingo monene bojali na ye mpo na kolinga biso,

mpe ata wana ejalaki biso bakufi, mpo na bikweli, ajalisi biso na bomoi esika mako na Klisto (bobiki na ngolu mpenja!) mpe asekwisi biso na ye; afandisi mpe biso na ye na bisika na Likolo kati na Klisto Yesu ete na bikeke bikoya amonisa kofulukana na ngolu na ye na njela na boboto na ye epai na biso kati na Klisto Yesu.

1 Petelo 5:10

Nde Njambe na ngolu yansa, ye oyo abiangi bino ete bokata na nkembo na ye na seko kati na Klisto, ye mako akokokisa bino, akolendisana bino, akopesa bino makasi, esili bino koyoka mpasi mwa ntango moke.

Nde awa esili elaka kokoka sɔlɔ, Njambe atindaki Mwana na ye, oyo abotamaki na mwasi, oyo abotamaki na nse na Mibe-ko ete asikola bango bajali na nse na Mibeke, ete tokamata Loku-mu na bana. — Bagalatia 4:4, 5

Tala motindo na bolingo bo-sili Tata kopesa biso ete tobia-ngama bana na Njambe. . . .
—1 Yoane 3:1a

Batuki Na Libula Na Njambe

Mpɔ ete bino bojali bana, Nja-mbe atindi Molimo na Mwana na ye kati na mitema na biso, konganga ete, Aba! Tata! Bongo ojali moombo te kasi mwana.

Sɔkɔ mwana, mosangoli na libula mpɔ na Njambe. —Bagalatia 4:6, 7

Molongi akojua bilɔkɔ oyo, mpe ngai nakojala na ye Nja-mbe, mpe akojala na ngai mwa-na. — Emɔniseli 21:7

Sɔkɔ tojali bana, mbe tojali basangoli na libula. Tojali basa-ngoli na libula na Njambe, ba-sangani na Klisto mpɔ na kosa-ngola libula na ye elɔngɔ, sɔkɔ tokoyokaka mpasi na ye elɔngɔ ete tojua nkembo esika mɔkɔ na ye. — Baloma 8:17

Sɔkɔ bojali bato na Klisto, bo-jali libota na Abalayama, bojali basangoli na libula na elaka.
—Bagalatia 3:29

**28 NJAMBE AJALISA BANA NA YE NA ELILINGI
NA YE MOKO**

Toyebi ete Njambe akosalana mosala mpɔ na malamumu kati na makambo yɔnsɔ epai na bango bakolingaka ye, bango babiangami mpɔ na mokano na ye. Jambiyeyebaki bato na ye liboso, abangisaki bango ete bakokana na motindo na Mwana na ye ete Ye Mwana ajala nkulutu liboso na bandeko mingi. —Baloma 8:28, 29

Salela Ye Lokola Klisto

Nde ngai najali kati na bino lokola mosaleli. —Luka 22:27b

Limbisana

Yesu nde alobaki ete, Tata limbisa bango mpɔ ete bayebi ya-

ngo ejali bango kosala te.

—Luka 23:34a

Omisokisa, Jala Na Boboto

Ngai Paulo, najali kolombaka bino ngai moko, na njela na bopolo mpe na kimia na Klisto!

—2 Bakolinti 10:1a

Tambolaka Na Kati Na Bolingo Na Klisto

Lokola Tata alingi ngai, ngai mpe nalingi bino. Boumela kati na bolingo na ngai. —Yoane 15:9

Yesu alobi na bango lisusu ete, Kimia ejala na bino. Pelamoko Tata atindi ngai, ngai mpe najali kotinda bino. —Yoane 20:21

1 Batesalɔniki 2:12

. . . ete botambola na bulɛɛ na Njambe oyo abiangi bino kino Bokonji na ye na nkembɔ.

2 Yoane 9

Moto na moto oyo akoleka liboso mosika nde akotikala na mateyo na Klisto tɛ ajali na Njambe tɛ. Ye oyo akotikala kati na mateyo, ye wana ajali na Tata mpe na Mwana.

Klisto Akojala Na Mwasi-Na-Libala Oyo Akoki Kokosama Tɛ

Mpɔ na moto na moto oyo ayei epai na ngai mpe ayoki maloba na ngai mpe atosi yango, nakotalisa bino sɔkɔ ajali lokola nini. Ajali lokola moto atongaki

ndako, oyo atimoli mabulu, asali yango bojindo, mpe atii moboko likolo na libanga. Mpela eyaki, ebale etɔmbɔkaki epai na ndako yango nde ekokaki koninganisa yango tɛ, mpɔ ete etongamaki malamumu. — Luka 6:47, 48

Esengɔ na moto oyo akoyikaka mpiko kati na komekama, jambi awa esili ye kolonga, akojua motole na bomɔi molakaki Nkolo epai na bango bakolingaka ye. — Yakobo 1:12

Naino ejali biso kotalela elikia na biso na esengɔ, yango komɔnana na nkembɔ na Njambe monene mpe Mobikisi na biso, Klisto Yesu. — Tito 2:13

Bobiki na ngolu na njela na kondima; yango euti na bino te, ejali likabo na Njambe. Euti na misala te ete moto amikumisa te. Jambi biso tojali mosala na ye, tojalisami kati na Klisto Yesu mpɔ na misala malamumu oyo Njambe abɔngisi liboso ete totambolaka kati na yango.

—Baefese 2:8-10

Ete kondima na bino euta na mayele na bato te kasi na nguya na Njambe. —1 Bakolinti 2:5

Sasaipi epai na ye oyo ayebi kosala kati na biso makambo maleki yansɔ ejali biso kolamba sɔkɔ kobanja, mpɔ na nguya ekosalaka mosala kati na biso,

epai na ye nkembɔ ejala kati na Lingomba mpe na Klisto Yesu kino mabota yansɔ, libela na libela. Amen. —Baefese 3:20, 21

Na Kati Na Ye Tokokisami

Baefese 4:13

Kino ekokoma biso yansɔ na bomɔkɔ na kondima mpe na boyebi na Mwana na Njambe, na mobali mobimba, na epimelo na monene na litondi na Klisto.

Bakolose 2:9, 10

Jambi litondi mobimba na Bonjambe ekofandaka kati na ye na motindo na njoto. Kati na ye bino bosili kokoka mpenja, ye Mokolo na mikolo yansɔ mpe na mikonji yansɔ.

Bibele Na Baanje Bakosambela
 Ye, Mpə Na Nini Akomonisa
 Bolingo Epai Na Moto Oyo
 Akwei Oyo Atioli Ye?

Lisusu mpe, wana ejali ye ko-
 bimisa Mobotami na liboso ete
 aingela na mokili, alobi ete, Tika
 mpe ete banje yənsə na Njambe
 bakumbamela ye. — Baəbele 1:6

Baloma 7:4b

. . . bino bosili kokufa na Mi-
 beko kati na njoto na Klisto ete
 mosusu ajala nkolo na bino, ye
 oyo asekwi kati na bakufi, ete
 tobota mbuma mpə na Njambe.

Baloma 12:4, 5

Lokola na njoto məkə tojali
 na bilembo mingi nde bilembo

yənsə ijali na mosala məkə te,
 boye biso, ata tojali mingi, tojali
 njoto məkə kati na Klisto. To-
 sangani na biso məkə məkə loko-
 la bilembo na njoto.

Mwasi-Na-Libala Ajui Bomoi
 Epai Na Ye
 1 Yoane 5:12

Oyo ajali na Mwana ajali na
 bomoi, ye oyo ajangi Mwana na
 Njambe, ajangi bomoi.

Bolingo Yənsə Bopesami Mpə Na
 Mwasi-Na-Libala
 Baloma 8:32

Ye oyo aboyisaki Mwana na
 ye te, kasi akabaki ye mpə na
 biso yənsə, ye akokabela biso bi-
 ləkə yənsə esika məkə na ye te?

32 KOTA KOFANDA NA KITI-NA-BOKONJI! NANI, NGAI?

Emāniseli 3:21

Mpɔ na molongi nakopesa ye njela na kofanda na ngai elongo na kiti na bokonji na ngai, lokola ngai mpe nalongi mpe nafandi na Tata na ngai elongo na kiti na bokonji na ye.

Mboka Na Mokonji Mpe
Mwasi-Na-Libala

Emāniseli 22:14

Esengo na bango bakosukola bilamba na bango, ete bajua nguya na kolia na njete na bomoi mpe mpɔ na kokota na bikuke na mboka.

Baebelɛ 11:16

Nde sasaipi bajali na mposa na mokili moleki malamumu, yango

kuna na Likolo. Yango wana Njambe ayoki nsani te ete abiangama Njambe na bango. Mpɔ ete abangiseli bango mboka.

Emāniseli 3:12a

Mpɔ na molongi, nakojalisa ye likonji kati na Tempelo na Njambe na ngai, mpe akobima wana lisusu soko moko te; mpe nakokoma nkombo na Njambe na ngai likolo na ye

Emāniseli 21:2

Namoni mpe mboka mosanto, Yelusaleme na sika kokita na likolo, kouta na Njambe. Esilaki kobangisama lokola mwasi na libala oyo asili kokemba njoto mpɔ na mobali na ye.

Luka 16:11

Na bongo səkə bojali sembo na makambo na mosəlɔ mabe tɛ, nani akopesa mosəlɔ na səlɔ na mabəkə na bino?

2 Bakəlinti 8:9

Jambi boyebi ngəlu na Nkolo na biso Yesu Klisto, ete ye mojuj akomaki mobola mpə na bino ete bojala bajui mpə na bobola na ye.

Yakobo 2:5

Boyoka, bandeko na ngai na bolingo; Njambe apəni babola na mokili tɛ ete bajala bajui kati na kondima mpe basangoli na libula na Bokonji lilaki ye na bango bakolingaka ye?

Eməniseli 2:9a

Nayebi monyəkə na yə, na bobola na yə, kasi ojali mojuj. . . .

Keba Na Misəlɔ Na Mokili**1 Timətɛ 6:17-19**

Opesa toli na bajui na ekeke oyo ete bajala na loləndə tɛ, balikia epai na bojui bokoumelaka səlɔ tɛ kasi epai na Njambe oyo akojuisaka biso biləkə yənsə na malamumu ete tosepela na yango. Tika ete basala malamumu, bajala bajui na misala kitəkə, bakabela bato biləkə, basangana na bato. Boye bakomitongela miboko kitəkə mpə na ekeke ekoya, ete basimba boməi na seko.

Ye oyo akobongola lolenge na njoto na biso na kosakema kino lolenge na njoto na ye na nke-mbo na njela na nguya oyo ejuisi ye bokonji mpo na kotia biloko yonso na nse na ye mpenja.

—Bafilipi 3:21

Botanda Tata, ye oyo abongisi bino mpo na kojua likabo na bino na libula na Babulami kati na moi. Ye abikisi biso longwa na nkanga na molili mpe akotisi biso na bokonji na Mwana na ye na bolingo. —Bakolose 1:12,13

Sasaipi nakotika bino na maboko na Nkolo mpe na Liloba na ngolu na ye. Ye akoki kotonga

bino mpe kopesa bino libula kati na babulami na ye yonso.

—Misala 20:32

Klisto ajali bomoi na bino, mpe soko ye akomonana, na ntango yango bino bokomonana na ye esika moko kati na nkembo.

—Bakolose 3:4

Yango ete, kati na Klisto Yesu, bapakano bajali batuki na libula, ndambo na njoto moko na biso elongo mpe bakwi na elaka, na njela na Nsango Malamu. Najui ngolu oyo ata naleki moko moko kati na Babulami, ete nasakwela bapakano Nsango Malamu na bojui na Klisto oyo ekoki koyebana te.

—Baefese 3:6 mpe 8

Nde baoyo yənsə bakolinga yə bayoka esəngə mpe basepela kati na yə; tika ete baoyo balingi kobika na yə baloba libela ete, Yawe ajali monenə.

—Njembo 40:16

Bino bayengebēni, bosepela kati na Yawe, mpe bojala na esəngə; boyemba na esəngə bino yənsə na mitema sembo.

—Njembo 32:11

Bosepelaka ntango yənsə kati na Nkolo. Najali koloba lisusu ete, Bosepelaka! —Bafilipi 4:4

Mpə ete boləji oyo ejangi bojito mpe eumeli bobele ntango mokε ejali kobəngisa biso mpə na

bojito na koleka na nkembə oyo ekoumela libela. —2 Bakəlinti 4:17

Sepela mingi, ε mwana mwasi na Siona, nganga, ε mwana mwasi na Yelusaleme; tala mokonji na yə akoyela yə, ye ajali na boyengebēnə mpe na kobikisa....

—Jekalia 9:9a

...nde bosepela ete nkombo na bino isili kokomama na Likolo.

—Luka 10:20b

Kasi baoyo yənsə bakomibomba epai na yə basepela, bayemba na esəngə seko na seko. Yə okobomba bango ete baoyo bakolinga nkombo na yə bayoka esəngə kati na yə. —Njembo 5:11

Masese 8:36

Kasi ye oyo akosalela ngai masumu ajali kobebisa motema na ye makə; yənsə baoyo bakoyina ngai bajali kolinga kufa.

Baebɛɛ 12:25

Bokeba ete boboya oyo ajali kosoola tɛ. Jambi səkə bango bayebaki kokima tɛ, baoyo baboyaki ye mopameli na bango na mokili, na koleka biso tokokima tɛ səkə tokotiela ye mokəngə, ye oyo ajali kopamela biso longwa na Likolo.

Meka makasi kokəta na ekuke na nkaka, mpə ete nalobi na bino ete, bato mingi bakomeka kokəta mpe bakokoka tɛ. Səkə mokolo

na ndako asili kotɛɛma kokanga ekuke, mpe bokobanda kotɛɛma na libanda kobɛta na ekuke, mpe koloba ete, Nkolo fungola mpə na biso! akojongisa monəkə na bino ete, Nayebi bino tɛ, səkə bouti wapi. — Luka 13:24, 25

Mpe na bijimbiseli yənsə na mabe mpə na bango bakobeba nyɛ, jambi baboyaki koyamba bolingo na sələ mpə na lobiko na bango. Bongo Njambe ajali kotindela bango nguya na kopengwisa mpə na kondimisa bango lokuta, ete bango yənsə bakweisama baoyo bandimi makambo na seɛ tɛ kasi basepeli kati na mabe. — 2 Batesaləniki 2:10-12

**Natondi Na Masumu,
Nakweisami
Yoane 3:18**

Oyo ajali kondima ye akosambisama te. Oyo ajali kondima ye te asili kosambisama naino mpo ete andimi nkombo na Mwana-na-likinda na Njambe te.

Baebelɛ 10:26, 27a

Jambi soko tokosalaka masumu na nko nsima na kojua boyebi na solo, mbeka mpo na masumu ejali lisusu te. Etikali bobele kotalela esambiseli na nsamo mpe mato na nkanda. . .

**Nasambisami Na Liloba
Yoane 12:48**

Ye oyo aboyi ngai mpe aya-

mbi maloba na ngai te, ajali na mosambisi na ye. Liloba lisili ngai kosolola ekosambisa ye na mokolo na nsuka.

**Alingi Ngai Mpe Aluki Ngai
1 Yoane 4:9**

Bolingo na Njambe emonaneli biso ete Njambe atindaki Mwana na ye na likinda kati na mokili ete tobika na bomoi mpo na ye.

Emoniselɛ 22:17

Molimo mpe Mwasi na libala balobi ete, Yaka! Tika moyoki aloba ete, Yaka! Tika ete moto na mposa na komela aya, mpe oyo ajali na mposa akamata mai na bomoi lokola likabo.

38 MOTO AJALI ELEMA KOKENDA NA MOTO NA SEKO

Moto Ajali Elema Kokenda Na Boloji Libela Esika Moko Na Satana Na Moto Na Seko Wana Akoki Kofanda Na Esengo Yanso Elango Na Klisto Na Kiti-Na-Bokonji

Njembo 53:1a

Elema alobi na motema na ye ete, Njambe ajali te.

Luka 11:39, 40

Nde Nkolo alobaki na ye ete, Sasaipi bino Bafalisai bokopeto-laka libanda na kopo mpe na saani, nde katikati na bino etondi na lokoso mpe na mabe. Bilema! Oyo asali yango ejali na libanda, asali mpe yango ejali na katikati te?

Matai 7:26, 27

Mpe moto na moto oyo akoyokaka maloba oyo na ngai nde akotosaka yango te akokokana na moto na ebefe oyo atongi ndako na ye likolo na jelo. Mbulanoki mpe mpela eyei mpe mipere mipere mpe ibeti ndako yango mpe ekwei. Kokwea na yango ejalaki mpe monene mpenja.

Yilimia 17:11

Lokola ndeke na lisobe akofandaka na makei maboti ye te, boye ye oyo akojuaka misalo nde na njela malamumu te; akotika yango kati na mikalo na ye mpe na nsuka akobiangama ebefe.

Esika Bato Yənsə Bakosuka Səko
Baboyi Mokonji Na Nkembə
Baəbele 6:8

Nde səko makobimisa njube
mpe matiti mpamba, makoki na
eləko tɛ mpe malingi kolakelama
mabe; nsuka na yango kojika
mətə.

Matai 13:41-42

Mwana na moto akotinda ba-
nje na ye mpe bakoləkəta kati
na bokonji na ye makambo yə-
nsə makoyokisa nsəni mpe yənsə
bakosalaka mabe. Mpe bakobwa-
ka yango kino litumbu na mətə.
Wana ekojala bileli mpe kokata-
kata na mino. Bayengebeni ba-

kongenga lokola moi kati na
Bokonji na Tata na bango. Ye
oyo ajali na matoi, ayoka.

Eməniseli 14:11

Molinga na mpasi na bango
ekobuta libela na libela, mpe bu-
tu na moi basambeli na Nyama
mpe na ekeko na ye bakojala
na epemeli tɛ. Bobele bongo mpə
na oyo akokamata elembo na
nkombo na ye.

Njambe Alingi Komonisa Bile-
mbo kopekisa Bisə Kokenda Na
Mətə Na Seko. Atalaki ewelo
Mpə Na Bisə, Alongi Na Kufa
Na Libela. Asekwi ete Tojua Elo-
nga Ete Tobika.

40 MOKONJI NA MIKONJI AKOKANGA SATANA NA NTANGO ELINGI YE

Emāniseli 20:1-3, 7 mpe 10

Namānaki mwanje kokita na likolo, ajalaki na lifungola na libulu bojindo, na monyololo monene na loboko na ye. Asimbi dalagana, ye nyoka yango na kalakala, oyo ajali Motemeli, Satana, mpe akangi ye na monyololo mbula nkoto. Abwaki ye na libulu bojindo, ajipi yango, mpe atii elembo likolo na yango, na ntina ete ajimbisa mabota lisusu te, kino nsuka na mbula yango nkoto. Na nsima na yango ekokoka na ye kokangwa mwa ntango moke.

Wana ekosila mbula yango

nkoto, Satana akobimisama na boloko na ye. . . Satana, mojimbisi na bango, abwakami na libeke na moto na sufulu, kuna ejali Nyama na mosakoli na lokuta. Bakoyokisama mpasi butu na moi libela na libela.

Elonga Na Libela Ekojala Na
Likolo Na Satana

Baebelē 2:14

Na bongo, awa ejali bana kosingana na makila mpe na mosuni, bobele bongo ye mpe asangani na yango na ntina ete na njela na kufa abebisa ye oyo ajali na bokonji na kufa, ye wana oyo na mabe.

Matai 6:24

Moto akoki kosalela bankolo mibale te. Jambi soko akoyina moko mbe akolinga mosusu, soko nde akondima moko mbe akotiola mosusu. Bokoki kosalela Njambe mpe misolo te.

Ojali Kobila Satana Kino Boloko Soko Mokonji Na Mikonji Kino Kiti-Na-Bokonji Na Nkembu

Misala 26:18

Ete babongwa na molili epai na moi, mpe na nguya na Satana epai na Njambe; ete bajua kolimbisa na masumu mpe libula kati na bango basili kobulama mpo na kondimela ngai.

Nde mpo na bagogoi, na bato na ntembe, na bato babebi na bosoto, na babomi na bato, na bato na pite, na bato na soloka, na basambeli na bikeko, na bato na lokuta yonso, likabo na bango ekojala kati na libeke likopelaka na moto na sufulu, oyo ejali kufa na mibale. — Emāniseli 21:8

Yesu ajongiseli bango monoko ete, Solo solo nalobi na bino ete, Moto na moto oyo akosalaka masumu ajali moombo na masumu. Moombo akoumelaka libela na ndako te; Mwana akoumela libela. Soko nde Mwana akosikola bino, bokojala basikwi na solo. — Yoane 8:34-36

MAI NA BOMOI MAJALI KOTIOLA EPAI NA MAKAKA NA NGAI

Yoane 4:10

Yesu ajongisi monəko mpe alo-bi na ye ete, Səko oyebaki likabo na Njambe mpe ye oyo ajali koloba na yo ete, Pesa ngai komela, mbe yo olombi ye mpe apesi yo mai na bomoi.

Yoane 7:37

Na mokolo na nsuka, mokolo monene na Elambo, Yesu atele-mi mpe angangi ete, Səko moto ajali na mposa na komela, aya mboka na ngai mpe amela.

Eməniseli 7:17

Mpo ete Mwana na Mpate oyo na kati na kiti na bokonji akobatela bango, mpe akokamba ba-

ngo epai na mito na mai na bomoi. Njambe mpe akolongola mpisoli yənsə na miso na bango.

Atalisi ngai ebale na mai na bomoi, kitoko lokola kulusatala, kobima na kiti na bokonji na Njambe mpe na Mwana na Mpate. Na kati na balabala na yango, mpe na ebale, na bipai yənsə mibale, ejalaki njete na bomoi kobotaka mbuma na mitindo jomi na mibale, sanja na sanja kobotaka mbuma na sanja, mbuma na sanja. Nkasa na njete ijali mpo na kobikisa bato na mabota. Eloko moko elakami mabe ekojalla lisusu te. — Eməniseli 22:1-3a

Matai 6:33

Bolukaka nde liboso Bokonji na Njambe mpe boyengebene na ye mpe biloko oyo yanso ikobakisama na bino.

Duteloname 4:29

Kasi. . . soko okoluka Yawe Njambe na yo, mbe okojua ye soko okoluka ye na motema na yo mobimba mpe na molimo na yo mobimba.

Masese 8:17

Nalingani na bango baoyo balingi ngai; baoyo bakoluka ngai bakomona ngai.

Luka 11:9

Ngai nalobi mpe na bino ete, lamba mpe ekopesama na bino.

Luka mpe bokokuta. Beta mpe ekojipwa mpo na bino.

Hosea 10:12

Bomikonela boyengebene, bomibukela boboto; botimola mabele na bino na mpamba. Jambi ntango ekoki mpo na koluka Yawe ete aya mpe anokisa kobuka likolo na bino.

Yisaya 55:6

Boluka Yawe naino akoki komonana, bobianga ye naino abelemi penepene.

Njembo 86:12

E Nkolo Njambe, nakotanda yo na motema na ngai mobimba, mpe nakokumisa nkombo na yo seko na seko.

ELAMBO NA LIBALA — NJAMBE APONI MWASI-NA-LIBALA!

Emoniseli 21:9b-11a mpe 22-24a

. . . Yaka, natalisa yo mwasi na libala, mwasi na Mwana na Mpate. Amemi ngai kati na Molimo kuna na ngomba monene molai, mpe atalisi ngai Yelusalem, mboka mosanto, kokita na likolo, kouta na Njambe. Ejalaki na nkembo na Njambe. . . Namonaki Tempelo wana te, mpo ete Nkolo Njambe Mojui-na-Nguya-Yonso ajali Tempelo na yango, na Mwana na Mpate lokola. Mboka ejalaki na bosenga na moi te, soko na sanja te, mpo na kotanela yango, mpo ete nkembo na Njambe engengeli yango,

mpe Mwana na Mpate ajalaki mwinda na yango. Bato na mabota yonso bakotambola na kongenga na yango. . .

Emoniseli 19:6b-9

. . . Aleluya! Mpo ete Nkolo Njambe na biso, Mojui-na-Nguya-Yonso, asili kojala mokonji. Tosepela, tojala na esengo; tokokumisa ye mpo ete libala na Mwana na Mpate esili koya. Mwasi na ye asili komibangisa njoto. Njela epesami na ye ete alata bilamba petepete, na langilangi, na mpeto. Mpo ete bilamba yango petepete bijali boyengebene na bapetwi.

Asokisami Liboso Na Ye

. . . Bopesa mpe bilembo na bino epai na Njambe lokola bisaleli na boyengebene.

— Baloma 6:13b

Alingi Mobali Na Libala

Ngolu ejala na bango yonso balingi Nkolo na biso Yesu Klisto na bolingo bokokufa te.

— Baefese 6:24

Atondi Na Bolingo Na Bulee

Nde ye oyo akokokisaka maloba na ye, na solo bolingo na Njambe esili kokoka kati na ye.

— 1 Yoane 2:5a

Ajali Moko Na Ye

Mpo ete tojali bilembo na njoto na ye. — Baefese 5:30

. . . na bilaka yango bojua likabo na bino kati na lolenge na Njambe. . . — 2 Petelo 1:4b

Ajangi Litono

Yo ojali na bonjenga yonso, molingami na ngai, ejali na litono moko mabe epai na yo te.

— Loyembo na Solomo 4:7

Bongo, balingami, awa ejali bino kotala makambo oyo, botia etingia ete bojuana na ye na kojanga litono mpe na likambo te kati na kimia. — 2 Petelo 3:14

Akojala Na Elikia Na Ngolu

. . . bojala na elikia nye mpo na ngolu ekomela bino wana ekomonana Yesu Klisto.

— 1 Petelo 1:13b

46 MOKONJI AKOSILISA BITUMBA KATI NA MOKILI

Emōniseli 17:14

Bango bakobuna etumba na Mwana na Mpate, mpe Mwana na Mpate akoleka bango mpe ete ajali Nkolo na bankolo mpe Mokonji na bakonji....

Emōniseli 18:21b

... Bongo Babelɛ, mboka monɛ, ekobwakama makasi, mpe ekojuama lisusu sɔkɔ moke tɛ.

2 Batesalōniki 2:8

Bongo, Moto na Lofundo akomōnana polele, ye oyo Nkolo Yesu akoboma ye na mpema na monɔkɔ na ye mpe akobebisa ye nye wana ekomōnana ye na ntango ekoya ye.

Jekalia 14:12

Oyo ekojala malali makobeta Yawe na mabota yansɔ baoyo babukani na Yelusaleme: mosuni na bango ekokaoka naino ejali bango kotelema na makolo na bango mpe miso na bango iko-kaoka kati na bitielo na yango mpe lolemo na bango ekokaoka kati na monɔkɔ na bango.

1 Bakolinti 15:24

Boye, nsuka ekoya wana ekopɛsa ye bokonji epai na Njambe mpe Tata, nsima wana esili ye kobwaka lokumu yansɔ mpe bokonji yansɔ mpe nguya yansɔ.

. . . Bokonji na mokili oyo esili kokoma Bokonji na Nkolo na biso mpe na Klisto na ye, mpe akojala mokonji libela na libela. — Emōniseli 11:15b

. . . mpə ete obomami mpe na makila na yə osikoli mpə na Njambe bato na mikili yənsə, na minəkə yənsə, na bibolo yənsə, na mabota yənsə, mpe ojalisi bango bokonji na banganga mpə na Njambe na biso, mpe bakojala bakonji na mokili. — Emōniseli 5:9b, 10

. . . Naməni mpe milimo na bango basili kokatama nkingo

mpə na litatoli na Yesu mpe mpə na Liloba na Njambe, baoyo baboyaki kosambela Nyama na ekeko na ye, mpe kokamata elembo yango na bilongi na bango mpe na mabəkə na bango. Bajalaki na boməi, mpe bajalaki bakonji mbula nkoto esika məkə na Klisto. — Emōniseli 20:4b

Baoyo babimi na lisekwa na liboso bajali na esengə, mpe bajali basanto. Kufa na mibale ejali na nguya na likolo na bango tɛ, kasi bakojala banganga na Njambe mpe na Klisto; bakojala bakonji esika məkə na ye mbula nkoto. — Emōniseli 20:6

BOMOI EKOJALA LIBELA ELONGO NA MOBALI-NA-LIBALA

Biso Na Njambe Libela

Nakosanjola yo Njambe na ngai mpe Mokonji na ngai mpe nakokumisa nkombo na yo seko na seko. — Njembo 145:1

. . . mpe bakufi kati na Klisto bakosekwa liboso. Na nsima biso bato na bomoi baoyo totikali, tokonetwa kati na mapata mpo na kojuana na Nkolo kati na mopepe esika mako na bango. Mpe bongo tokojala libela esika mako na Nkolo.

—1 Batesalōniki 4:16c, 17

Tala! Efandelo na Njambe ejali na bato esika mako. Ako-

fanda na bango esika mako, mpe bango bakojala bato na ye, mpe Njambe ye mpenja akojala na bango elongo. Akolongola mpisoli yanso na miso na bango, mpe kufa ekojala lisusu te, na mawa, na kolela na mpasi, lisusu mpe te; mpo ete makambo na liboso masili koleka.

—Emōnisieli 21:3b, 4

Butu ekojala lisusu te. Bakojala mpe na bosenga na kongenga na mwinda te, sako na moi te, mpo ete Nkolo Njambe akongengela bango, mpe bakojala bakonji libela na libela.

—Emōnisieli 22:5

KLISTO LOBI ETE:

«Mpo na molongi nakopesa ye njela na kofanda na ngai mpe nalongi mpe nafandi na Tata na ngai elongo na kiti na bokonji na ye.» —Emoniseli 3:21

**Na Kati Na Klisto Najalisami Mpe Na Ye Monene
Ye Oyo Ajangi Lisumu Abiangi Ngai, Ebongi Nakenda
Elonga Ejali Liboso Na Biso!**



Matondi epai na Njambe oyo apesi biso elonga na njela na Nkolo na biso Yesu Klisto. Bongo, bandeko na ngai balingami, botelema ngwi, boninganaka te, bosalaka mosala na Nkolo ntango yonso. awa eyebi bino ete kati na Nkolo mosala na bino ejali mpamba te. —1 Bakolinti 15:57, 58

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA

Likabo — Mpo na koteka te

Scripture text reprinted from the Bible in Lingala
by permission of United Bible Societies Africa
Regional Centre, Nairobi, Kenya.

www.wmpress.org

4-17



Read booklets online or by App
www.wmp-readonline.org
531 Lingala—Haut Fleuve WAI